

Sran mmla mun be men nun jo bole

Ibo bole

Ƙe ɔ fin ƙe sran ƙwlakwa i sran bule ɔ fin blolo'n ti, ƙe i sran-mmla ɔ nin sran ƙwlakwla lie'n se'n ti, ƙe iso nin ye ɔ nin foundi, nanwle atin, aklunjɔe ba men nun'n ti

Ƙe ɔ fin ƙe se be si'a sran-mmla mun, nan se be bu'a be like fi, i so nin ye ɔ fa sa tete yewa'n ba'nti, sange ƙe ɔ fin ƙe be seli ƙe men nga mo i nun sran mun be di be foundi, mo be kwla be kan be klunklo nde, be kwla be so be klunklo like, mo sekunle ɔ nin yale b'a jaso su, i so men mo be wan sran kunde i dan'n ti

Ƙe ɔ fin ƙe i dan lika nin ye le ƙe ɔ fata ƙe mmla su awa ye ɔ nian sran-mmla mun be suo, ƙe ɔ ko yo nan b'a mianmian-man sran nan w'a faman ya w'a jaso-man be nga be fa kwlae nin sran tete yole be fa be tintin i su be wun'n ti

Ƙe ɔ fin ƙe like nga ɔ ti kpa dan yele men mun b'afien janvue kekle diwa'n ti

Ƙe ɔ fin ƙe men unmuan nun nvle mun be yali be wan be kan be sie su yekun ƙe be te lafi sran-mmla su dan, sran ɔ ti like dan, ɔ le'a gua, bla nin yasua be se. Be wan i so'n ti, like nga ba ko yo nan sran mun b'a nyan alaje, nan aklunjɔe w'a ba be wun, foundi nun, i so like nin ye be wa yo'n ti

Ƙe ɔ fin ƙe nvle nga be wo anyia so nun, be wan be nin like nga be fle, ƙe "Men mun be Bo Yekun Anyia" be bo yekun be bo mandren nan sran i fondi ɔ nin i sranmmla be kaci ninge mo sran ƙwlakwla i ti wo be bo'n ti

Ƙe ɔ fin ƙe nga ɔ ti kpa dan yele ƙe sran mun be ngba be fa be ti be wle sran-mmla ɔ nin sran-foundi be bo'n ti

Anyia Dan wan ƙe Nde nga be ken ye'n, ɔ fata ƙe ɔ kaci ƙe like mo i denman ye sran kwalkwla nian; men ƙwlakwla be kunde be ken; ɔ ye so nan men ƙwlakwla su sran o, men kun i siesiele ninge mun, be bu Nde Dan nga i akundan cen ƙwlakwla, be bo mandren ɔ nin sran mun be fluwaklele, ɔ nin ngwlele klele, be yo man sran mun be dan lika si sran-mmla ɔ nin fondi; ƙe be ko si be kpokun be yo bleble, men kun nun o, men ngba nun o, man sran mun be ngba be si i so nde; men nga be trannin annuanze dan i ase be nun sran mun o, be nga be wo i sofue mun be bo'no, ɔ fata ƙe i so sran mun be ngba be si sran-mmla ɔ nin sran-foundi.

Tikle kikli

Sran mun be ngba, ƙe be wu be ɔ, be ngba be se, fondi nun, sran-mmala nun. Be si akundanbu, be si su ɔ fata ƙe sran mun be tran'n, be tran aniaan nun tranle.

Tikle 2

Sran-mmla ɔ nin sran-foundi nga ɔ wo Nde dan nun, sran ƙwlakwla kwla fa ye ilie; ɔ le'a ƙe e ti sran nvle ngunmin, ƙe e wunnen ti'a kun, e anien ti'a kun, e bo lika ti'a kun, e like sowa ɔ ti i ngunmin, e politiki angundan ti'a kun, e fin'a lika kun, ɔ le'a ƙe wie ti sikafue, wie ti yalefue, ƙe wie mun be osu ti wlengbi, wie mun be osu ti kanga.

I kungba yekun, be kwla'a kpaman sran mun be nun be se'ake nga ti bue nga su sran, nga be wun'en i lie wle'n kpa, be wun'an men nga su ɔ fin ɔ: be kwla'a be se'a so, kanze sran fin nvle ufle suo, se nvle so ɔ le i foundio, kanze i ti wo men ufle i bo o, ɔ nunmen i ti bo nun tile o.

Tikle 3

Sran kwalakwla, ɔ fata ƙe be sese i nguan, be wuke i ɔ di i foundi, be sese ibobo ba unmuan.

Tikle 4

Be kwla'a be fa-man sran be kaci'a kanga. Sran kanga yole nin i fato ɔ nin i ninge i fa so mun be yowa, ba tanninnin be ngba be atin.

Tikle5

Be kwla'a be ye'a sran fi like tete mun, be wle-men i bisva, be kwla'a be yo-men i ninge nga mo ɔ ye sran finfin, mo ɔ kaci sran ƙe blo nnen mun be sa.

Tikle 6

Lika ƙwlakwla nga sran kun wo, ɔ fata ƙe be bu i sran, ɔ fin i mmla su.

Tikle 7

Sran mun be ngba be se mmla mu be nyrun; i so'n ti, ɔ fata ƙe mmla mun be wutu be su, be ngba. sran ƙwlakwla, ɔ fata ƙe be wuke i nan sran nun kpakpawa w'a nyen-men; sran nun kpakpawa ɔ ti ƙe Nde nga i gblu towa sa.

Tikle 8

Sran kwmakwla le atin ɔ ko to iboboinvle su jole difuemun, se ɔ fin nan be bu i anunnflin i foundi-mmla su, foundi-mmla nga be kleli i fluwa nga be fle i ƙe "men i takawa i bo fluwa".

Tikle 9

Be kwla'a be tra-man sran ngben sa, be kwla'a be wle-men i bisua, be kwla'a be tu-men i men kun su ngben sa.

Tikle 10

Se be sanman sran, non ndrumun tran nun, nde nga ti ye be sanman i, ɔ fata ƙe nzraa nun, nanwle nun, jole difue mun, be nga be ti nun-man sran fi bo'n, mo be ti nanwle sran, be ye ɔ fata ƙe be ken i so nde lie nion: be ye be kwla se ƙe se ɔ wo i nde fe su o, se kusuman, nzanman mo be sanmanin i, ɔ ti atin su o.

Tikle 11

Sran kwla nga b'a senmen i nde kun ti, ƙe be nian kan nde mo be nian bu-man, i so fue'n be kwla'a se'a ƙe i nde yo'a fe. A wun ƙe be kwla be se so, san b'a di jole, be ngba be ngba be nyrun, ato a wlu'a nun, be nga be ko jren i sin i ti kplile b'a jran.

Be kwla-man be bu-man nde be gue'e sran kun su; se nde ti ye be senmen i, i nun nga ɔ fa ye sa son, mmla wie fi, i nvle lie su mmla o, men nun mmla o, be bu'e i so like lie'n ƙe ɔ ti like te. I ng'ɔ wuka su, yele ƙe alamandi nga be fu i, bisua nga be wle i, be nuan kwla'a tra-man nga be fa be yo i so titi'n

Tikle 12

Be kwla'a be wla-man be nuan sran kun i awlo nun nde mun be nun ngben, i awlo nun nde i tranwle, i fluwa nga ɔ kle'n, i fluwa nga be kle i, be kwla'a be ken'en i wun nde ngben, be kwla'a be saci i dunman ngben. I so ninge lie mun be ti, ɔ fata ƙe mmla mun be sasa sran ƙwlakwla.

Tikle 13

Sran ƙwlakwla ɔ kwla wlanwlan sin, nvle kun nun, lika nga ɔ klo ƙe ɔ tran'n ɔ kwla se ƙe wa ye n klo ƙe n tran.

Sran ƙwlakwla ɔ le atin mo ɔ jaso nvle kun su ko lika nfe; ɔ kwla jaso ibobo nvle lie'n su, kpokun ɔ kwla se i sin ɔ ba i nvle lie'n nun yekun.

Tikle 14

Se nvle kun su be kle sran kun yale, sran so'n ɔ le atin ɔ ko mantan nvle ufue mo ɔ kwla so i nun on.

Sange i so atin lie'n, wo nga a ye sa tete mo ɔ ko-man Men b'Anyia be nde lie su'n, wo nga a ye i so sa te mo fata ƙe be sanman wo'n, sa kpa, a kwla'a a jren-meen i so atin su kan-man nde.

Tikle 15

Sran ƙwlakwla ɔ le atin mo ɔ nyen i aulie nvle

Be kwla-man be se-man sran kun ƙe, ɔ fin ande a le'a aulie nvle wie kun, i sa so ngben; kusuman, se sran kun wan ɔ kaci i aulie nvle, ɔ le atin kaci.

Tikle 16

Ƙe be ko nyin yasua kun ɔ nin bla kun, be le atin be ja be wun, be taka be awlo; ɔ fata ƙe nde ƙe nvle uƙe nun sran, men uƙe nun sran, like sowa wafa uƙe sran, ɔ fata ƙe i so angundan wlu nun. Be aja nun, be nƙon be se; be nun kun se'a ƙe ɔ tin kun su: i ble nga be ja o, ƙe be titi aja nun o.

A wun ƙe be ja'n, uun be nƙon be nuan w'a yekun, be klun klo su.

Awlo bo ɔ ti ƙe ananganman like sa, ye ɔ ti nvle kun su sa i olui nion; ɔ fata ƙe nvle ɔ nian su ƙe i nyima sa, ƙe awa wuke i.

Tikle 17

Sran kwlakwla, i kungba anze, ɔ nin sran uƙe mun anze, ɔ kwla le i ti bo nun like.

Be kwla'a le'a sran fi i ti bo nun like i sanun.

Tikle 18

Sran kwlakwla

ɔ le atin mo ɔ bu i ti bo nun angundan, ɔ nƙen i klun nde, ɔ kwla so i like wafa nga ɔ klo i'n; ƙe ɔ fin i le kushman, se i wan ɔ kaci nan ɔ so like uƙe'n, se i wan ɔ bu akundan uƙe'n, ɔ le atin ɔ kaci. Se i wan i klun akundan lie'n, i like sowa lie'n, se i wan ɔ bo be jo, i ba kungba o, ɔ nin sran uƙe mun o, ɔ le atin ɔ bo be jo; se kusu i wan ɔ ye i like aswre nun, ɔ le atin yo. I kwlaa ngo'le, ɔ kwla ƙe i fluwa nun, ɔ kwla yo like kwlakwla nga fata ƙe ɔ yo; sran fi kwla'a tannin i atin.

Tikle 19

Sran kwlakwla

ɔ le atin ɔ bu i bobo ti bo nun akundan, ɔ ken i klun nde nga i wan ɔ kan'n. I so i sin yele ƙe se ɔ ken i klun nde'n, be kwla-man be ƙe'e i yale; i sin nin yele ƙe ɔ le atin kunde nde mun be tile; i kushman kwla bo nde ɔ nin nzebua mun be jo ƙe sran mun; like kwlakwla nga ɔ kwla fa bo i so jo le lie, ɔ fa bo; ɔ nun-man i ti nun kaan ƙe awe wo nvle mun b'afien.

Tikle 20

Sran kwlakwla ɔ le atin ɔ nin sran ufue mun be ya anyia; ɔ kwla wlu anuanze nga ɔ ti'a nzaje anuanze nun.

Be kwla'a be mianmian-man sran kun ɔ wlu-man anuanze kun nun.

Tikle 21

Sran kwlakwla ɔ le atin mo, i bobo i nvle lie'n su, ɔ tran awa i juman be ti, se nen i bobo trele sa, ɔ kwla yo i janunfue.

Sran kwlakwla ɔ le atin, nan ndrunmun kan tran nun, mo di i bobo i nvle'n su awa juman.

Nvle kun su i sran unmwah mun, be ye be man nvle so i su gbengben be fangan. I so'n ti, ɔ fata ƙe be yo manwe nun vote, nan sran mun be nde nga ɔ wo be klun, b'afe i so b'a kan vote'n le nuan; ƙe i nuan ko ju'n, ɔ fata ƙe ɔ sen i wun; sran ngba vote o, aswre vote o; i kwlaa nga ɔ yo ɔ, vote i yowa, nan mianmianle tran nun, sran kun i klun vote ye ɔ vote ɔ.

Tikle 22

Sran kwlakwla

ƙe mo ɔ ti nvle kun su sran'n, ɔ fata ƙe ɔ nyan awa sran anwukalelike, ɔ le awunnyanmblusue atin, awasranwukale atin, be nyin su yiyile ninge atin; i so ninge mun ye be ti sran kwlaa cinjin, be ye be yi sran i sran lika nglo ɔ, be yo i foundi-mmla be dan; i so'n fin nvle kun i mandren bowa nun, ɔ fin men mun be wun wukawa nun, ɔ fin nvle kun i siesiewa nun, ɔ fin nvle kun i nun anyanbewun ninge mun nun.

Tikle 23

Sran kwla

ɔ le atin mo ɔ di i bobo i klunklo juman, juman i fa diwa ɔ nin i akatua be ti i klunsu; ɔ fata ƙe be nian i su, nan man ɔ tran sa ngben ƙe ɔ nyan-man juman

Sran kwlakwla i juman nga ɔ di, i su sika ce ye ɔ fata ƙe be men i ɔ, ɔ le'a ƙe sran kun ɔ le i akatua, sran kun ɔ le i akatua

Sran kwlakwla

ƙe ɔ di juman'a ɔ fata ƙe i akatua nga be tue i'n, ɔ ju i bobo, i yi ɔ nin i mma mun be wun siesiele ƙe ɔ fata ƙe sran fa siesie i wun sa. Se akatua so'n ju-man, awa wuka suo ɔ yo ye.

Sran kwlakwla ɔ nin i wiengu mun be kwla be taka jumandile anuanze, sran kwlakwla ɔ kwla wlu i so anuanze lie nun ɔ fa kpli i like nga ɔ lo i i ti.

Tikle 24

Sran kwlakwla

ƙe ɔ di juman'n, ɔ le atin ɔ lo unmien, ɔ le ble wie ɔ ɔ yiyi i nyisu ɔ. ɔ fata ƙe do nga mo ɔ fa di juman, nan ɔ ce ngboko; ye afue kun nun i ble mo ɔ di'a juman, ɔ fata ƙe be tue i kale.

Tikle 25

Sran kwlakwla

ɔ fata ƙe i sa nun yo fe nan w'a kwla w'a ye i wun ayre, w'a kwla w'a siesie i wun, i bobo nin i yi nin i mma mun, ƙe ɔ ti ƙe alie dile lie'n, trale wlawa'n, lawle'n, be wun ayre yele'n, ble mo ɔ di'a juman'n, mo ɔ to tukpakie'n, se ɔ kwla'a nun'n, se ɔ wo angbeti nun'n, se w'a yo oke'n; sa yale kwlakwla nga ɔ to i su mo i sa nun a wie'n, ɔ fata ƙe awa wuke i.

Blata ɔ nin ba kangan mun, ɔ le be wukale lie'n mo awa wuka be ɔ. Ba kangan kwlakwla, kanze be wu be gua su o, kanze be wu be aja nun o, be kwlakwla ɔ fata ƙe awa sasa be.

Tikle 26

Sran kwlakwla

ola atin mo be ƙe i fluwa. Sran fluwa klele'n, ƙe ɔ fa ju ƙe sua blu su'n, sika tualɛ nun-man nun. ɔ fata ƙe ba kangan mun be ngba be ko suklu, be nun kun le'e ti ƙe ɔ ko-man. Sukln nga be ƙe blale juman nin juman dile nun, i so suklu'n, ɔ fata ƙe ɔ tru; suklu dandan mun be nun wlule i atin, ɔ fata ƙe be tike man sran kwlakwla; be kpa'a sran mun be nun, sran kun ɔ nin i like lie mo ɔ kwla yo ɔ.

ɔ fata ƙe fluwa klele ɔ yi sran i sran lika i nglo, ɔ yo man sran mun be bo nyan, ɔ yo man be nyin yi sran-mmla mun ɔ nin foundi-mmla nga ɔ ti foundi-mmla be bo'n. Fluwa klele ɔ fata ƙe ɔ yo man ndidie ba sran mun b'afien, ɔ yo man sran mun be yaci sran kun nun ɔ yo i klunklo ninge, man janvue dile ɔ ba men mun b'afien, sran nvle mun b'afien, like sofue mun be wafa b'afien. Fluwa klele i kungba yekun, ɔ fata ƙe ɔ man "Men mun be Bo Yekun Anyia" be ninge nga mo be yo mo alaje ko co mon nun.

Sie mun ɔ nin nien mun, be ye ɔ fata ƙe be kunde fluwa i klele wafa nga ɔ nin be mma mun fata ɔ.

Tikle 27

Sran kwlakwla

ɔ le atin mo, i nvle lie'n su ninge mo ɔ ti ƙe be nyin su yiyiwa ninge, be sa ti ninge, aguin ninge, ɔ le atin ɔ ye i so ninge wie, ɔ le atin ɔ di su wie; ɔ le atin ɔ wuka be yo be nyrun kole ninge mun; afin se mblusue fite su, ɔ le atin di wie.

Sran kun, se ɔ di i be nyrun, kole aguin juman, ɔ klei fluwa, ɔ di aguin nan se i duman fite su ɔ, i mblsne fite suo ɔ ti ilie.

Tikle 28

Sran kwla ɔ le atin ɔ kunde ƙe sran mun b'afie, men mun b'afien ɔ ye flolo, i so nan sran-mmla ɔ nin foundi nga be kan be nde Nde nga nun, b'a su mma.

Tikle 29

Sran kun, ɔ fata ƙe ɔ yo like men i nvle mo i nun ye i bobo ɔ kwla di i foundi, ɔ kwla bo nyan.

Sran i sran-mmla

nin i foundi su dile ɔ le'a awielie uƙe, san awielie nga i nve su mmla mun be sieli ƙe ɔ fata'a ƙe sran kun i sran-mmla nin i foundi su dile ɔ tannin sran uƙe mun be lie atin. I so nin ye man be kwla fa atin ndenman kpa su, aunjoɛ ɔ ba nvle nga mo i su kpen siele ɔ wo sran kwlakwla sa nun nun.

Sran-mmla nin foundi ng'ole be kwla'a fa-man be yo'a like fi mo ɔ kaci i sin si Men mun be Bo Yekun Anyia be atin lie'n

Awa kun, sran akpasua, sran kun, be kwla'a be jran-man de nga i nun tre ba kun su be se'a ke be le atin mo be di juman wie, be yo ninge wie mo o ti sran-mmla nin fondi nga be wo ye be sakiwa.